

釋迦佛應世始末

佛學叢書

上海佛學書局印行

釋迦佛應世的始末

錄經律異相

(1) 得道師宗

如來昔在久遠劫時。行菩薩道。爲大國王。父母崩亡。讓國與弟。獨行求道。見一婆羅門。姓瞿曇氏。從之受學。因同其姓。入於深山。禪思念道。乞食還國。國人不識。呼小瞿曇。自於城外甘蔗園中。起立精舍。有五百大賊。劫盜官財。經園邊過。明日步縱。遂錄菩薩以木貫身。立大樹下。血流於地。大瞿曇氏飛來問曰。有何罪酷。乃至爾乎。官人放弩射而殺之。大瞿曇泣下沾棺。取血濕土。以爲泥團。持還精舍。置左右二器中。曰。是道士若至誠者。天神當使血化。

爲人。却後十月。左卽成男。右卽成女。姓瞿曇氏。男名舍夷。賢劫中寶佛時。又號釋迦。越壽五百萬歲者是也。出十二遊經佛在摩竭提界。善勝道場元吉樹下。德力降魔。度二估客。惟定如來。拜吾佛名云。汝於來世九十一劫。當得作佛。字釋迦文。十號具足。如我今也。吾從是來。積功累行。六度四等。修持不倦。功報無遺。大願成果。出中本起

卷上

(2) 現生王宮

究竟菩薩。在兜率天。諸天共議。當使菩薩現生何氏。種英天子。問曰。一生補處。降神何種。答曰。種姓有六十德者。我當降之。文多

不載。唯有釋家久植法本。迦維羅衛人。大小和穆。上下相承。國富民樂。渴仰一乘。且白淨王。性行仁賢。夫人姓瞿曇氏。溫良忠善。護身口意。已五百世爲菩薩母。王后晏寢。菩薩化乘白象。冠日之精。入于胎中。身心安樂。猶如深禪。詣無憂樹下。遣使啓王。時無憂林有十種瑞。一忽然廣博。二土石變爲金剛。三寶樹行列。四沈香莊嚴。五華鬘充滿。六衆寶流出。七池生芙蓉。八天龍夜叉合掌而住。九天女恭敬。十一切諸佛放光普照。王大歡喜。后身輕輭。不相三毒。諸有疾者。手摩必愈。既滿十月。臨產之時。有三十二瑞。一後園林木自然生果。二陸地出青蓮。大如車輪。三枯樹生華。四七寶車至。

五地中寶藏自然湧出。六名香好華徧布遠近。七雪山五百師子羅住城門。八五百白象皆住殿前。九細雨澤香。十百味飲食給諸飢渴。

文多不載與諸本起同

四月八日夜明星出時。后思園觀遊。憐韓樹下。

三千國土六反震動。沸宿隕落。樹卽屈枝。母卽攀執。諸天散華。從右脅生。身長丈六。卽行七步。寶華承足。舉手住而言。天上天下。唯我爲尊。三界皆苦。何可樂者。釋梵奉侍。四王接上金案。龍降香水。以充洗浴。五百青衣各生力士。白馬產駒。黃羊生羔。

瑞應本起云。奴名車匿馬。

名毘陟。諸本起大同。細異。

後七日。母便命終。生忉利天。太子幼稚。應須料理。時有說者。唯大愛道是太子姨母。清淨無夫。當能育養。時白淨王詣。

大愛道求爲乳哺。愛道奉雪山梵志名阿夷頭耆。見太子悲歎流涕。王問其故。答曰。仰慶大王。生此神人。昨天地大動。其正爲此。我之相法。太子有三十二相。一體軀金色。二頂有肉髻。三其髮紺青。四眉間白亮。五項生日光。六目眇紺色。七上下但眇。八口四十齒。九齒白齊平。十方頰車。十一廣長舌。十二合滿堂。十三師子膺。十四身方正。十五脩臂。十六指長。十七足跟滿。十八額平正。十九內外握。二十合曼掌。二十一手千輻輪理。二十二足千輻輪理。二十三陰鳥藏。二十四鹿膺腸。二十五鈎環骨。二十六毛石旋。二十七一孔一毛。二十八皮毛細軟。二十九不受塵水。三十胸有卅字。瑞應

同少身有此者。若在家爲轉輪聖王。七寶自至。若出家爲自然佛。

傷我年已晚暮。不覩佛興。是故悲耳。王厚相賞給。告大愛道。深加

敬護。在普耀經第二卷又太子七歲乘羊車。衆釋導從。往詣書師。

師名選友。太子問曰。師有何書見教。答曰。有梵佉留法。可相教也。

太子曰。異書有六十四種。何止二耶。師曰。願聞其名。太子答曰。梵

書佉留書。護衆書。疾堅書。龍鬼書。戟闍婆書。阿須倫鹿輪書。天賜

書。特數書。現空書。文多不載欲以何書而見教耶。師不能解。讚歎而已。

太子爲諸童子。分別本末。勸發道心。瑞應經云書缺二字以問太師師不應達反啓其志太

子年至十七。王爲納妃。簡選數千。最後得一十國王姓瞿曇氏。波

須弗

梁言善覺

女名瞿夷。端正無比。淨如蓮華。八國爭娉。悉未許與。王

召說之。今爲太子結娉。卿女善覺愁憂。若不許者。必見征伐。若許

與者。八國成怨。女言。白淨國王武藝最勝。諸國所憚。王勅國內。却

後七日。太子現術。能者宣集。

長阿含經云。執杖釋種女云。有術藝者妻之。

調達撲殺一

象。太子擲出城外。天文地理。八萬異術。無有及太子者。調達手搏

太子少。太子接擲空中。三反不損。復共射鼓。調達射中。四十里鼓

不能過難。太子引弓。弓皆輒折。問有異弓任吾用者不。王曰。亡祖

用弓。奇異無雙。無能用者。在天寺中。取給太子。一切諸釋。無能上

者。太子用射中。百里鼓。箭沒地中。涌泉自出。至鐵圍山。三千剎土。

六反震助。卽以瞿夷爲太子第一夫人。隨世習俗。現相娛樂。

瑞應經云

太子納妻久不交接一手指妃腹後乃生男

又取移施長者女。名耶惟檀。爲第二夫人。

又取釋種長者女。名曰鹿野。爲第三夫人。太子當作飛行皇帝。立三時殿。置六萬採女。夢云。從天變沒化現而生。太子後出東城門。王勅嚴治道路。莫令不淨。太子威神之所建立。天化老人。頭白齒落。目冥耳聾。拄杖僂步。太子知而故問。此何人也。御者曰。是名老人。太子曰。人命如流。難可得再。非獨爲人。天下皆爾。迴車還宮。愍念不樂。後出城南門。遇見疾人。大腹羸瘦。臥于道側。問于御者。答曰。病人。太子曰。萬物無常。有身有苦。吾亦當然。卽還入宮。後出城。

西門見一死人。室家悲哭。御者曰。死。人。人。生。有。死。如。春。有。冬。人。物。一。貫。太。子。曰。夫。死。痛。矣。精。神。劇。矣。吾。見。死。者。形。壞。體。化。而。神。不。滅。吾。不。能。復。以。死。受。生。往。來。五。道。勞。我。精。神。迴。車。而。還。復。於。他。日。出。城。北。門。見。一。沙。門。衣。服。齊。整。手。執。法。器。御。者。曰。此。名。比。丘。棄。捨。情。欲。凡。喜。心。一。切。欲。度。十。方。太。子。曰。善。哉。是。吾。所。樂。我。不。辭。王。位。而。出。家。者。此。則。不。應。卽。時。靜。夜。入。王。宮。殿。先。照。遠。近。父。王。覺。起。卽。啓。父。曰。諸。天。勸。助。今。應。出。家。父。王。悲。泣。何。所。志。願。何。時。當。還。太。子。欲。得。四。願。一。者。不。老。二。者。無。病。三。者。不。死。四。者。不。別。假。使。父。王。與。此。四。願。不。復。出。家。王。曰。自。古。及。今。無。有。得。者。益。大。愁。悲。卽。勅。五。百。釋。

子多勇力者。宿衛四門。城門關閉。聲聞四十里。裘頭夷疑不離其側。太子念道清淨。不宜在家。當處山林。研精行禪。時年二十九。以四月七日夜半後。裘夷時得五夢。卽便驚覺。太子問之。對曰。夢見須彌崩。明月落地。珠光忽滅。頭髮自墮。人奪我蓋。菩薩知夢爲我身耳。曰。須彌不崩。明月續照。珠光不滅。頭髮不墮。傘蓋猶存。且自安寐。慎莫憂失。夜觀伎女。百節皆空。譬如芭蕉。鼻涕目淚。樂器縱橫。顧視其妻。具見形體。腦髓髓髓。心肝腸胃。外是革囊。中盛臭穢。猶如假借。當還。亦不得久。三界無怙。惟道是恃。欲界諸天。住於空中。法行天子。遙白太子。時已至矣。佛星適現。喚車匿起。被於撻陟。

四天王與無數夜叉龍等皆披鎧甲。從四方來稽首致敬。諸天恐有留難。卽遣厭神入宮厭寐。城中男女悉皆寢極。孔雀衆鳥莫不疲臥。車匿悲泣。門鑰不開。四神捧舉馬足。踰出宮城。帝釋前導。放大淨光詣佛樹下。出普曜經第三卷又出第四卷

(3) 現迹成道

明晨報問。不知所在。王卽追蹤。前至王田。遙見太子樹爲曲枝。隨陰其上。王自驚悟。不識下馬而爲作禮。太子拜曰。今一適此。何宜枉駕。追念太子。不捨心懷。還召大臣。卿等弄子抱孫。共相娛樂。吾但一子。見別山居。取卿子弟五人。追而侍之。若中來還。當滅

卿族。太子脫寶衣以付車匿。還啓父王。及白裘夷。得道當還。不忘此誓。車匿奉辭。淚下如雨。白馬長跪。舐菩薩足。王覩還物。歔歔投地。裘夷抱馬。太子乘汝。何忽獨來。甘果美泉。皆無所乏。菩薩自念。欲作沙門。至山水邊。天王知心。持刀而下。菩薩自剃頭鬢。帝釋受髮。肉髻獨存。成大沙門。至尼連水邊。寂然閑居。遇一獵師。身著法服。狀如沙門。太子問曰。法服何名。答曰。袈裟。鹿謂學道。心不恐懼。而來見附。以此殺之用。以自資。太子倍興慈念。求以身衣從其買。易獵師曰。王生長深宮。體肉細軟。不更寒苦。恐壞王身。且又不淨。太子曰。此聖賢之標式。但買無苦也。自當浣濯。諸天進食。却自不

受。前行到摩竭國。人民見之。謂是帝釋梵王諸天。太子知其所念。便坐樹下。瓶沙王。卽與羣臣出詣道上。遙見光相。問是何神。從何國來。何所名字。太子答曰。吾出香山之東。居山之北。國名迦維。父名白淨。母名摩耶。瓶沙問曰。將無是悉達乎。答曰是也。王卽禮足。曰。形相炳著。當君臨四方。爲轉輪聖帝。四海顒顒。冀神寶至。何棄天位。自放山藪。答曰。出生有死。劇痛有四。謂生老病死。不可得離。身爲苦器。憂畏無極。若在尊寵。則有嬌慢。貪求快意。天下苦患。吾厭此故。是以入山。彼六年勤苦。日食一麻一米。結跏趺坐。亦不傾側。風雨雷電。四時不改。未曾舉手。以自障蔽。衆人恠之。取草木投

耳鼻中。亦不棄去。形體羸瘦。唯金色益顯。光明遠照耳。周竟六年。心自念言。羸瘦如此。往詣佛樹。後世有譏。謂餓而得道。吾寧噉柔軟食。年復身體。然後成道。時有長者女。出嫁生男。心大歡喜。搆千頭牛。展轉相飲。取其純乳作糜。欲祠樹神。遣婢洒掃。見佛不識。還啓大家云。樹下有神。端正妙好。女聞歡喜。欲取糜去。糜跳出釜丈餘。不可取。女甚怪之。空中天曰。有大菩薩。已從坐起。汝本有願。當先飯之。乃成正覺。女聞天言。卽取乳糜。盛滿金鉢。往尼連水邊。菩薩以神通力。入水洗浴。兜率天子。取天衣袈裟。奉上菩薩。卽取著之。住尼連水邊。長者女奉乳糜。菩薩食之。氣力稍充。往詣佛樹。路

左一人。名曰吉祥。劉生菁草。柔滑不亂。菩薩謂吉祥曰。欲得草坐地。則大動。諸天化作八萬佛樹師子之座。天子各見菩薩獨坐其座。薄福德者。故見生草。三界衆生。見菩薩坐佛樹下。出胎經云。坐樹經行也。放大光明。掩蔽魔宮。波旬臥寐。夢見三十二變。宮殿闇冥。入於邪徑。池水枯涸。樂器破壞。夜叉厭鬼。頭皆墮地。諸天捨去。不從其語。集諸大臣。說夢所見。興諸兵杖。拜召千子。其五百子。導師等。信樂菩薩。其五百子。惡目等。隨魔爲亂。欲相降伏。魔有四女。一名欲妃。二名悅彼。三名快觀。四名見從。往詣菩薩。綺語作媚。三十二種。姿并唇舌。營嬪細視。文多不備載。願得晨夜供事。左右答曰。

汝形雖好。心不端正。革囊盛屎。來欲何爲。去吾不用。其三玉女化
成老母。不能自復。卽反魔所。觀佛三昧經云。三至女名勤異。反見邊患。魔毒益盛。召十
八億衆。變爲殊形。師子熊羆蟲頭人。驅蛇虺之身。擔山吐火。雷電
礚礚。執持戈矛。菩薩喜心。一毛不動。鬼兵不能速。菩薩爾時徐舉
眉間毫。擬阿鼻獄。令罪人見。白毫流澍。大如車輪。火卽慙滅。自憶
前世所作罪業。心得清涼。稱南無佛。以是因緣。受罪若畢。應生人
中。魔見是相。懍惓懊惱。退還其宮。白毫復去。至第六天。見白毫孔。
諸寶蓮華。過去七佛。現在華上。如是白毫上。至無色。徧照一切。如
玻璃鏡。八萬四千天女。視波旬身。狀如樵木。但瞻菩薩白毫相光。